

雲水後集

集
北屏
題藏



831228

雲水後集

長白葆

平子

採樹

蘭山劉元機小蟾著

榆錢十詠

錢多最怕易招風
招得風來滿樹空
偏到繁華三四月
可憐此樹又貧窮

無錢轉覺一身輕
古樹從來不慕榮
堪笑東山松處士
至今猶蔭大夫名

詩

卷二

一

不可一日無此君
狂風捲處似殘雲
年年徒作守錢虜
垂老何曾積半文

對榆默坐酒頻添
點點青蚨落帽簷
一派貪心都化盡
為看錢樹又傷廉

聞靡誇多亦太癡
平橋纍纍挂千絲
汝儕漫道錢無數
也有凋零敗落時

買春無計擲平沙
一片閒愁對落花
多少行人全不拾
果然風化似周家

兒童日日儘高攀
樹為有錢也不閒
偏是東風多慷慨

慨破他鄙吝散人間

東風何事笑錢神總爲老榆占早春菊綻黃金梅吐
玉不教身受晚來貧
乘着東風好結鄰藥花滿架鬪金銀老榆漫怪人來
夥一到無錢不見人

忽貧忽富爲誰忙貧也會經富也享但願我身如此
樹貧貧富富又何妨

登潼關東山觀黃河

月滿崑崙翠滿山安瀾九曲鎖秦關幾回欲向源頭

詩

卷二

二

問只在青霄碧漢間

秋日退院偶感

地僻堪藏拙蒼苔冷翠微風吹殘暑歇雨送早涼歸
博覽多聞見寡交少是非偶聽寒雀噪袖手立斜暉

又

漫道身閒好心閒味更長披書知進退講易識行藏

雨滴苔侵礎風翻竹度牆羣徒皆可愛

時有文子佩
孔子誠耿子

嘉數人 侍坐說倫常

遊誌公洞

緩步南郊外登山路漸斜丹崖烘夕照綠水襯殘霞
洞口聽啼鳥巖頭掃落花黃冠香積下燭火煮新茶
此地非凡境靈山路不差飛泉懸峭壁蜜柳認禪家
翠惹巖頭草紅開洞口花相傳驅咒後永遠不聞蛙
宿少林寺夜吟

古寺深秋夜沿山落葉狂僧歸雙屐露人語一林霜
杯酒邀明月鐘聲逗晚涼喃喃猶未了清夢破禪房
萬里長至日雪霽受戒

詩

卷二

三

萬里彤雲撲面寒乘風鶴子立瑤壇休嘲我借王棊
篲且問誰彈貢禹冠

九受戒者非大師保舉概不收錄

古柏藏形如

豹隱疎槐露爪似龍蟠

菴內有龍爪槐

人生若歷藍關道欲

學神仙却不難

不料無才亦有緣白雲堆裏授心傳忘情更比冰霜
淡抱念當如鐵石堅支遁難拈衣上鶴

謂律師着白鶴仙衣圖

澄漫咒鉢中蓮

謂月亮上人到壇聽講

分明瑞氣祥光合照得

乾坤不夜天

松梢綴玉滴前楹得句令人喜欲驚落絮沾衣如鶴

蠹飛花踐履作蛙聲涼生桂宇心應淡暗壓蓬廬眼
倍明不是奇緣由夙結難同三友訂新盟

瓊林彷彿近程門不讓游楊志尙存另選奇方難返
本仍尋舊路可歸根偶云管內灰全動仁覺爐中火

失温

此日
風甚緊

寄語同儕齊努力恒持莫負 律師恩

贈傅浦雲鍊師

學得顏筋性最靈

公日摩
多寶略

交成莫逆豈拘形因拈畫

筆敲新韻每托漁竿掉小舡月旦評君心逾赤花朝

識我眼常青

丁巳清明前
日在菴初遇

清標峻爽超凡品料是

詩

卷二

四

天邊箕尾星

送葆子均觀光北上

驪歌一曲駐吟鞭不盡春光在眼前携手欣觀秦嶺
雪回頭悵望灞橋煙時逢鸞鳳飛騰日節屆魚龍變
化天料得文昌星拱照爭看柳汁染衣旌

萋萋芳草影離離卓犖英才正及時此去探花原有

梯將來折桂復何疑

謂益
闈

十年雪案惜螢火百丈雲

梯接鳳池欲贈故人無別物一杯濁酒一編詩

蘭山五泉

香飄玉液味何甘
冷露無聲滴翠嵐
仁見枝頭楊柳

色青青原是水光涵

甘露泉

玉笋纖纖激碧湍
一輪素月影團圓
山人笑掬凌雲

手勾引姮娥出廣寒

掬月泉

秦罷螽斯欲弄璋
滿山煙雨鎖蒼茫
老僧注水眞堪

羨孕得蚌珠盡放光

摸子泉

流水潺湲拂落花
白雲堆裏飲飛霞
偶來倚樹聽清

響恰煮蒙山頂上茶

蒙泉

爲避塵氛到惠泉
泉聲遙挂碧雲邊
登臨不盡清涼

詩

卷二

五

意活潑靈源也悟禪

惠泉

吊明經王春浦夫子

善書法

輝沉雁塔舊題名
書卷縱橫寄此生
鐵畫銀鈎傳筆陣
酒兵詩敵破愁城
風來槐里燈無焰
雨過蘭亭淚有聲
爲問詞壇諸弟子
誰能敎敎學驢鳴

留侯祠

在紫柏山

當年進履圮橋頭
秘授陰符善運籌
月下吹簫龍滅項
軍中借箸總依劉
爐煙仁結千重彩
俎豆相延四百秋
高隱羨君明哲甚
飄然祇與赤松遊

題白雲觀呂祖像

詩成醉眼任橫斜，袖裏青鋒化作蛇。
漫道仙扉全不鎖，時時自有白雲遮。

長安八咏

華嶽仙掌

掀天揭地任舒伸，五瓣蓮峯迥出塵。
笑問希夷彈指處，翻雲覆雨幾千春。

太白積雪

東風一夜李花開，萬點瓊瑤碎玉台。
漫道陂塘清爽

詩

卷二

六

挹披裘五月有人來

雁塔晨鐘

曙色臨窗日未紅，蒲牢吼破玉玲瓏。
今朝不教僧知曉，獨上層樓望遠鴻。

灞柳風雪

荒煙孃孃冷雲痴，二月春寒樹未絲。
我也斜依驢背

上過橋先誦浩然詩

咸陽古渡

溪頭錦漲水生紋，楚漢烽煙化作雲。
不是前人留勝

蹟焉能怒浪息河汾

草堂煙霧

寒煙漠漠霧迷離夢到西堂句亦奇且待明春人日裏專看杜老寄來詩

驪山晚照

牧童驅犢夕陽斜斜倚松根看落霞短笛橫吹牛背穩穿林返影集昏鴉

曲江流飲

渭水滌澗隴樹蒼飛帆播曳入微茫呼漁再向前村

詩

卷二

七

泊對着疎林沁羽觴

劉中丞祠落成詩以誌之

澤被三秦永不磨遙瞻棟宇勢巍峩銜杯且莫黃花酒執筆難賡白雪歌偉績而今關內少掄才自古楚中多在天靈爽應含笑風靜邊庭喜偃戈

公祠落成後適新疆

軍務歲事

民情更比故情歡座擁叢林愈壯觀一代文章

垂不朽千秋俎豆薦非難祥凝渭水光斜抱瑞映衡

山氣遠蟠料得吟魂應戀此十年燈影憶瑤壇

余前監入

仙卷時公偕蔣少坡劉次山諸幕友在四宜園扶乩瞬息間十數年事矣

金城十咏

花光爛熳釀春光引得佳人上玉堂昨夜東風翻白
雪紛紛蛺蝶暗偷香

梨花花光

臨風縱目意悠悠短笛橫吹入小樓我欲乘桴從此

去河聲咽破古今愁

河樓遠眺

萬疊層巒萬疊青曉風送響到簷鈴邀僧直上靈山

頂佛滿香龕月滿櫺

白塔層巒

爲採新蓮晚睡遲凭欄恰好月明時凌波仙子無顏

色夜暈香奩洗玉脂

蓮池夜月

詩

卷二

八

寒煙漠漠雨霏霏大半樓臺入翠微滿谷蘭花香馥

郁來朝啼鳥弄晴暉

蘭山煙雨

滾滾銀濤半壁衝遙瞻霽雪挂晴峯冰綃倒捲三千

丈恰似飛虹闔玉龍

龍泉瀑布

西風吹雨滌龍顏半隱雲霄半隱山不是騰身天上

去如何巨尾露人間

龍尾秋容

欲掉輕橈破錦紋源頭水向鴨頭分桃花兩岸春潮

霽驚起長虹駕彩雲

虹橋春漲

梵僧蚤起擊洪鯨曙氣朝煙韻亦清不是蒲牢能報

曉何由夢夢一時驚

古剎晨鐘

銀驄高卧白雲隈
嚙月嘶風迅似雷
牧馬村夫渾不識
聊將晴霰作瓊瑰

馬啣積雪

梨花

珠簾半捲白雲香
秋去春來又降霜
冰雪聰明清淨態
阿誰曾作探花郎

洗盡繁華見素裝
梨雲萬樹逗芬芳
最憐院落溶溶月
照得清魂夢亦香

東風一夜雪花霏
淡白枝頭蝶亂飛
月影溶溶雲漠漠

詩

卷二

九

漠暗香隱送暮春歸

笙歌一曲認前村
夢到唐宮月有痕
若傍亭臺飛疊玉
餘香滿院不開門

訪隆中田樂如隱居

結構茅廬三兩間
萬株老樹路迴環
隔簾綠送溪中水
排闥青延雨後山
竹杖多情閒便曳
柴門無事日常關
山人縱有黃梁夢
住此應將俗慮刪

宿白水村史鐵舟先生酒館

於今移住傍清溪
日日門前甕自提
竹屋斜通紅蓼

岸茅簷近隔綠楊堤一竿風月舟偏穩十里煙波路
欲迷醉卧不知天地闊醒來猶覺水禽啼

姚悟真

秀才

招飲晴川閣

平臨傑閣最高頭四面山光一覽收捲幔愛晴猶愛
雨凭欄宜夏更宜秋白雲似友常聯榻明月爲隣慣
上樓十丈紅塵渾不染醉鄉夢與眾仙遊

重遊商山葛秀三花園

爲避塵氛到故園滿亭花柳鳥爭喧風搖竹影篩疎
檻雨送嵐光壓短垣肯與鄰翁謀賽社常邀野老倒

詩

卷二

十一

吟樽從今識得閒中樂不住山村卽水村

雨際洗硯

日引飛泉灌竹根臨流潑墨有魚吞呼童笑掬簷前
溜滌淨煙雲露玉痕

贈磻溪吳竹橋

性嗜酒年
八旬餘

脫去漁簑醉似泥扁舟一葉任東西醒來又上磯頭

立獨把綸竿老釣溪

題王曉霞山水畫卷

花洲竹嶼朝川東靜坐焚香筆力工滿壁波濤渾欲

動果然邱壑在胸中

曲江池同友人採蓮

風吹紅粉墜蓮房夢到西湖水亦香
貪着折花情不厭却教曉露濕衣裳

臥龍岡道院白桃花

深知淡泊味偏長洗盡鉛華愛素妝
只恐武陵人再訪滿溪明月水茫茫

新野早發

牛車搖曳快如風引得南遊興不窮

謂遊蘇杭

乍見經霜

詩

卷二

十一

蘆葦色猶疑戰火一川紅

和葆子均孝廉寄懷原韻

雖居一葉小舟邊不怕滄江浪拍天
聽得樓頭黃鶴

唳長安遙憶酒中仙

子均風流豪邁洵是青蓮一流人物

願君同上鳳池遊

謂益

我愛終南小洞幽日在白雲

深處立風花雪月一齊收

漢上極繁華之區

道本無情却有情瑤函飛下鶴猿驚
自從捧讀新詩

後勝嚼梅花味更清

昨向琴台動我思

予不時同友人遊漢陽伯牙琴台

思君多在月明

時笑儂鎮日忙如許日課仙經夜校詩

漁

披裘釣雪富春漁只在蘆花白處居醉卧舵頭天地
穩清風明月自徐徐

樵

撥雲踏雪採山樵擔在肩頭斧在腰一局殘碁觀未
了星移物換幾千朝

耕

南陽卧雪樂躬耕帶月鋤雲浪得名嘯傲乾坤人莫

詩

卷二

三

識惟餘淡泊適閒情

讀

年來映雪效孫康徹夜吟唔深柳堂日對古人消鄙
吝三餘莫負好時光

春日同

頻池陽劉繡佩范曉泉遊灞橋

笑讀傳家陋室銘行行直入綠楊汀多情最是溪邊
柳爲吟遊人眼放青

花朝

二月春寒花未開者番消息費疑猜年年此會花生

日乘着東風好結胎

寒食

飲得醱醑酒一杯棠梨花下樂追陪
室如懸磬煙常禁冷節非爲介子推

七夕

暮雨涼颼惹恨多笑他牛女渡銀河
年年弄巧皆成拙且唱驪山醉酒歌

同黃昇

補塘政

葆北屏

秀才

重九登高

愛汝顛狂笑汝癡鬢邊斜插菊花枝
茱萸釀得千壺酒風雨催成數首詩
荔影蕭疎秋色老蟬聲斷續夕陽遲
而今拂袖匆匆去採遍山頭五色芝

卷二

三

選勝窮幽對夕曛滿山黃葉雨紛紛
登樓欲玩三秋景採藥翻生兩袖雲
嘯傲宛同陶處士風流不減孟參軍
呼童笑酌沽來酒醉把花糕取次分

退隱終南別墅雜感

時辭入仙菴監院

明知峻藥實難吞拔却前生孽苦根
謹慎持家搜已過公平作事惹人論
容予撒手參元理感爾關心指教恩
薄暮憑高閒眺望煙明水秀淡孤村

割斷奢華鎖日閒偶然悟得這機關無窮畫意煙中
樹不盡詩思雨後山出岫閑雲猶意懶穿林野鳥尙
知還人生卽早回頭好荏苒光陰瞬息間

秋日訪理學段復初先生別墅 善琴

敲門犬吠夕陽沉四面桑陰接柳陰未到亭前先見
鶴偶來竹外仁聽琴庸流那解藏身計處士何妨抱
膝吟醉賞秋風無俗韻飛鴻摩月過寒林

贈王雲卿先生 充部軍門參謀屢建奇功

曾向邊關樹大功果然才子卽英雄柳營決策追羊

詩

卷二

古

祜蓮幕談兵笑馬融滿腹經綸資幹濟一生詩酒傲
王公羣僚盡日聆清誨如在春風化雨中

樓雲山

飛瀑高懸吼似雷亂山影裏翠成堆閒心却被雲留
住醉卧煙霞不肯回

二仙洞

明時秦李二
仙在此成道

松梢懸溜滴雲根百尺枯藤護洞門兩箇仙翁何處
去野花空繞舊巢痕

風雲閣

畫閣高懸接太虛風雲繚繞滿蓬廬野花落地無人
掃靜坐藤床看藥書

風月嶺

一曲狂歌自笑癡吟風弄月到逢壺行行直向雲中
去煙雨蒼茫入畫圖

過明經蘭素菴先生故居

半庭礎氣冷蒼苔庭外垂楊是舊栽竹徑有塵邀雨
滌柴門無主任風開路從黃葉叢中斷人自青山缺
處來偶過茅簷尋客問繞梁雙燕可仍回

詩

卷二

十五

華陰李氏花園偶占

把酒看梨花梨花開滿路一路看花來已到花深處

同方矩門太守小酌于八仙菴四宜園

蟠桃仙宴爲君開遊遍金繩醉玉台

是日公壽因筵
慶祝先遊興善

雁塔二寺後至
做菴乘醉而歸

憶昨花前聽緒論經時不愧孝孺才

武昌長春觀

前有白鶴
後有白鶴

井古跡

九轉丹還半是仙松間白鶴伴雲眠臨流一覽明如
鏡千頃芙蓉萬頃田

自在窩

悟元子
養靜處

採藥歸來祇嘯歌
滿山楊柳綻金多
吾儕別有消閒法
日日高眠自在窩

藏書室

流水蕭蕭竹影疎
雲間築室好藏書
丹文綠字今何在
細雨斜風滿客廬

談道石

月白風清小院幽
道人對坐此林邱
元機說破天花墜
頑石欣然亦點頭

洗心亭

詩

卷二

七

山光怎比水光清
滌慮澄懷道自明
一點虛靈終不昧
空空洞洞得長生

碧波澗

乾坤到處一頭陀
斜倚松根釣碧波
釣得魚兒三兩箇
呼童煮酒笑呵呵

太白泉

數點殘星月一鉤
泉聲咽破五更秋
興來不敢題詩句
李白題詩在上頭

脫灑臺

無邊色相盡成空萬里山河一笑中脫洒塵氛無俗
累數聲鶴唳落霞紅

超然臺

超然無累獨登臺頂上三花任意開看破紅塵都是
夢此身恍惚入蓬萊

冲虛臺

百尺臺高接太虛樓雲山下月輪孤如何獨立青霄
上萬景蒼茫入畫圖

迎善橋

詩

卷二

七

一道長虹壓晚潮山光水色畫難描香風幾度幢幡
起迎得仙人過小橋

題雲皋道友雪梅圖

幾點冰肌似有無暗香浮動月輪孤丹青寫入傳神
處勝種梅花八百株

會真菴

長安有座會真菴道脈雄渾萬象含到此纖塵全不
染何須歸去卧終南

閒來舒嘯會真菴喜與羣僚把道談鎮日聯吟聊自

樂蝸名蠅利讓人貪

爐烟遍覆會真菴爲掃槐花惹碧嵐笑問遊仙誰有
力能將日月一肩擔

神仙多出會真菴每憶江淮沈萬三祇說金丹容易
得那知大道實難參

名區果算會真菴謾笑迂儒百不堪我是天生疎懶

漢深欽赤脚有包含

謂赤脚
董真人

鍾靈毓秀會真菴井有神丹味更甘寅夜風吹蘆葦

動欣看雷火護龍潭

詩

卷二

六

蟠桃幾熟會真菴一枕黃梁夢半酣欲學元明張邁
遍無窮元妙此中探

鴻儒雅愛會真菴日採桑樵携竹籃識得行雲流水

趣英雄都要學莊聃

丹房掩映會真菴物外烟霞舊所諳讀罷南華秋水

句懽然俯仰自無慚

焚香默坐會真菴野鳥嚶嚶樂且耽半壁斜陽題古

蹟何能除欲弄瑤函

董真人所著
除欲究本

花酒吟

有花無酒不逍遙有酒無花亦寂寥爲愛花朝尋酒
侶偏因酒興過花橋沽來濁酒採花釀埋得殘花借
酒澆但願常爲花酒客插花飲酒樂陶陶

秦嶺文公廟遇雪

踏破瓊瑤路幾彎東風一夜掩柴關今宵不是彤雲
合覽盡潮陽海上山

藍橋碧天洞

一鶴飛鳴破紫烟應知洞內有神仙丹成九轉歸何
處剩有殘雲斷復連

詩

卷二

五

樊城跨鶴樓

一聲長嘯峴山秋閱遍荆襄上畫樓借問飛仙何處

去幾行醉墨壁間留

有呂祖凡
筆石碣

勉門人余子善

奮力窮經惜寸陰陰陽妙理最幽深

時閩南華
道德等書

閑中主

敬持三省閑裏存誠守四箴苦讀醫書超俗網勤拈

畫筆豁塵襟

日暮
蘭竹

今宵至嘯君須記莫教浮雲掩素

心

武當山太和宮題壁

仙風吹我過柴關坐也精神睡也閒夢裏不知何處
去醒來猶在白雲間

沿山流水淨塵氛半是亭台半是雲一局殘碁尙未
了松風謾謾隔窗聞

網緼花霧繞堦墀四面松多日上遲睡起莞然成獨
笑閒心但有白雲知

半嶺殘香尙有梅看花心急任風催深崖躡屐蒼苔
滑策杖仍從仄徑回

南嶽山半山亭題壁

詩

卷二

二十

山人本不受樊籠採藥歸來兩袖風會記岳陽樓上
飲一聲長嘯白雲空

閒雲野鶴作生涯除却蓬萊不是家我自無心隨月
去一天風雪釀梅花

四面風霜送曉鐘白雲盡處覓仙蹤歸來吹澈梅花
笛人在蓬萊第幾重

流水無情戀落花碧雲冉冉隔天涯汝儕欲問長生
訣斜倚松根煮石茶

雨霽遊章曲口占

棠梨花放淡籠烟曉雨初晴翠滿川何處青帘能醉
客綠楊影裏畫橋邊

訪少華山胡自然鍊師

寂寂柴扉日未關林泉深處且偷閒
倏然峪口風兼雨只見蒼松不見山

擔囊結伴入名山爲訪良朋到此間
有客如分方外樂千金不讓一身閒

秋雨述懷

時在宛南元妙觀

立盼霏霖霽焚香欲課晴沉雲連樹合滴水上階平

詩

卷二

三

袖手觀魚躍存神聽鳥鳴囊空無所累始覺一身輕

又

勝地渾如畫蒼蒼樹四圍經霜蕉愈嫩帶雨筍初肥

燕雀翻泥啄龍蛇走筆揮

時浴山唐
仁甫索書

閑中常自省決

不道人非

耕雲律師秋日以益菊羅列成山詩以誌之

霞光照耀勝籬東陸地神仙桑苧翁萬疊峰巒含玉
露一生氣概付金風花宜晚節香偏永人到遐齡筆
益工堪羨此君高雅甚白雲深處抱焦桐

武昌張氏花園同友人賞殘菊

蕭蕭風雨過寒林，瞥見東籬萬點金。
笑我生平偏愛菊，拾將花瓣帶香斟。

不教白帝老風塵，暫向東籬寄此身。
堪笑繁花都附熱，羨卿到底喜幽人。

秋日山居

乘着西風掃落花，柴門無事卽生涯。
引來綠水頻澆藥，贏得青山好種茶。
屐齒踏殘三徑月，簷牙收盡一林霞。
功名二字終何用，日伴松筠度歲華。

詩

卷二

三

古木無聲鳥代譁，偶臨秋水讀南華。
瀑淋削壁山經雨，藤繞飛檐屋亦花。
地靜栽成千萬樹，林深露出兩三家。
雖然不是蓬壺客，且向丹崖臥翠霞。

斜倚松根看落霞，滿天秋色逗清華。
囑童休採前山藥，留客仍煎昨夜茶。
竹字寫成三徑墨，藤鈎挂起一簾花。
吾儕別有長生訣，不比廬山道士家。

雨敲桐子落山花，懶向前溪去泛槎。
雲抹山腰千樹斷，風翻海角萬峯斜。
避塵常許松爲伴，解渴權將露作茶。
遠却市廛名利客，愛隨麋鹿住烟霞。

笑卧林泉樂事賒是非從不到烟霞雲橫古石藏流
水風捲香簾入落花但得清閒皆樂地果然淡泊卽
仙家回頭笑指紅塵客總爲浮名一念差

訪顏漢卿先生別墅留贈

公善琴喜畫柳

清標峻爽冠儒林霽月光風樂道心樹影周遮茅舍
暗苔痕屈曲柳堂深開軒種竹分三徑閉戶觀書守
四箴一曲廣陵人不識高山流水訂知音

紫菊

西風一夜遍東籬故國繁華獨逞奇淡映霞暉疑是

詩

卷二

三三

錦濃拖雲影恍於脂欣逢絳帳人同賞喜約丹邱客
共移多謝朱衣頭暗點

座中有新貴者數人

歡然爛醉夕陽時

紅菊

興酣直入赤松家錯認桃源夕照斜不許燃藜翻舊
譜偏宜爇火煮新茶生成佳色烘秋日養就靈光媚
晚霞自是童顏如可駐尋仙何必覓丹砂

題同鄉曹星五墨梅圖

大塗小抹總超然滿紙精神在筆先半壁古香留淡
墨一痕疎影上華箋安排鐵幹逢何遜點綴冰心憶

鄭虔繪罷慙題好句人間亦自有癯仙

過鹿門李雨臣 秀才 書舍留贈

種得蟠桃數十圍東風一夜落花飛
啣雲雞犬迎朝旭啄草牛羊下
晚暉穿石潺湲泉脈細沿山蒟醬藥
苗肥芸窗功課纔完畢又聽樵歌入翠微

壑崗山夜吟

萬壑水潺潺崖飛古洞間鐘聲烟外塔樹影月中山
海闊龍吟老天空鶴夢閒霓裳何處咏人在白雲關

訪吳好古鍊丹室留贈

詩

卷二

十四

結宇遠城闔飄然物外身無心全道體有脚步陽春
靜養虛而實清修幻也真披霞遊島嶼戴月泛湖濱
著述堪傳世襟懷自出塵他年功滿日携我躡金輪
贈錫水洞悟虛李鍊師 年七旬餘

推開雲外窟步入洞中天望雪憐頭白看花映眼鮮
香風生萬壑皓月印千川素影涵真相清光闡妙元
俗塵隨地淨野鶴對人眠好是蓬萊境逍遙傲謫仙

春日山居

買得青山好學仙笛聲吹破隴頭烟清風明月眞無

價野鶴閒雲別有天坐久不妨隨水去夜深且自傍
花眠興來偶約詩僧酌笑解香醪不解禪

嘯傲烟霞不計年枕流漱石樂超然有山有水皆佳
趣無是無非卽散仙影瘦且隨明月照心閒祇對白
雲眠從今識得人間樂笑與莊生結夙緣

爲漉芳醪脫葛巾桃紅柳綠一番新不療物外烟霞
癖却忘人間富貴春閨苑有花尋樂地仙源無路問
迷津笛聲纔罷滄浪晚拍手仰天笑俗塵

乘着東風結比隣碧雲深處好藏身茫茫塵世誰知
詩

卷二

三五

已寂寂花朝總是春紅藥當階還自笑青錢滿樹不
嫌貧劃然一嘯山頭卧白眼冷觀世上人

策杖歸來酒半醺芒鞋踏碎嶺頭雲門藏綠柳烟猶
潤樓壓蒼松路未分犬吠花叢迎曉日鶯翻樹杪門
斜曛偶來古刹逢僧話隱隱鐘聲隔水聞

夏日山居

棄却塵囂避是非蒼松翠竹夾柴扉遠山拖霧千村
合密樹鋪陰四野圍洞口雲封流水暗床頭風過落
花飛披襟獨坐空亭裏笑指兒童採藥歸

白雲山下結茅庵似此林泉儘可貪霧鎖層巒迷古
洞烟消疊嶂起晴嵐森森夏木留新蔭拂拂清風助
快談一枕黃梁醒也未不妨採藥入終南
利鎖名韁一筆勾亂山影裡度春秋洞明世務難睜
眼歷盡人情暗點頭幾句詩成還自樂半瓢酒足便
無憂而今識破升沉理海濶天空任我遊

漁樵問我樂如何携劍懸瓢唱道歌樹外烟遮紅日
少門前水繞白雲多幾間老屋圍松柏半壁斜陽挂
薜蘿竹杖芒鞋隨意着偶聽烏語過山坡

詩

卷二

三

醉愛花枝信手拈一鉤新月挂雲簾偷閒漫把詩懷
減混俗權將酒債添嘯傲不妨追謝眺清閒豈肯讓
陶潛情柳愛鎖都拋却另繼家風學海蟾

秋日山居

秋色橫窗睡正酣擬將風月一身擔煎茶竈下燒紅
葉採菊籬邊携翠籃鳥解幽情迎我語天生傲骨向
誰談瀑散倒挂斜陽裡對日啣盃影自三

一片閒心絕俗緣夕陽影裡水涓涓提籃採藥雲生
袖抱甕澆花月落泉到處有山皆樂趣此間無事卽

神仙呼童疾掃床前葉靜坐觀書養浩然
尋花鬪草樂徘徊獨上層樓望眼開苦雨驟從千樹
落急風怒挾萬山來須知室靜塵難到漸覺林空鳥
易猜一片烟霞隨意卧儼然採藥入天台
半枕松風脫俗胎小亭以內少塵埃林間煖酒燒紅
葉石上圍碁掃綠苔萬壑晴雷驚晚渚一竿斜日冷
疎槐而今揮手飄然去欲着羊裘隱釣台

冬日山居

水落水凝萬樹空柴門掩斷五更風千竿竹影橫窗

詩

卷二

七

北一段梅香繞閣東掃雪開軒迎故舊圍爐設榻課
兒童要知吐火驅寒法儘向茅山問葛洪

橘綠橙黃樂事興終朝持斧伐枯藤眼觀淡泊梅千
樹足踏岩巖路幾層置酒天寒還焙藥烹茶水凍只
敲冰山童莫問誰知己不是漁樵便是僧

山空水靜冷飈飈結箇茅廬效武侯幾點寒梅開洞
口三杯獨酒飲床頭無窮樂趣歸書卷大半高情寄
道流雪藕冰桃今已熟呼童速約竹林儔

一片閒雲鎖石岩離塵絕俗不非凡竹爲老友松爲

伴亭作輕舟樹作帆四壁清風剛入座半窗明月好
開緘山間勝概人間少採藥歸來雪滿衫

雨際宴友

恪具霞觴叩至微續紛花雨滿天飛長生酒白壺中

得

謂武昌晉班固聶明然
老人年一百四十歲

不老仙由海上歸

謂關東沈超然

老人年八十八歲

鶴駕臨時香結彩鸞與過處華生輝同儕

莫惟門常掩最怕凡流說是非

送汝霖趙司馬赴楚

與君交久知彌深濟世才華出世心記得桃花潭水

詩

卷二

二十六

潤高風如訴紫瑤琴

予在漢陽與公曾遊伯牙台

沉吟多在日西斜雲樹迢迢望眼遮此去名樓留傑

句

謂楚之黃鶴樓

飛毫落壁走龜蛇

武昌有龜蛇二山

紫雲窩題壁

自幸身閑隱薜蘿興來詩酒醉來歌殷勤說與知音

者默抱無絃樂趣多

茅屋數椽竹幾竿詩朋酒友日臨壇行吟頗有烟霞

趣正好修鑑早鍊丹

苔濃蘚濕路幽微樹作藩籬竹作扉雨後殘花紅滿

地迎人啼鳥也忘機

幽樓勝似小蓬瀛片石叢花氣味清日在迴廊遊未

已欣聽隔竹讀書聲

士午科葆益
園下惟于此

市井紛華寂不聞莓苔印屐路難分自從完却倫常

事跳出紅塵臥紫雲

座對終南萬點螺天然圖畫任人摩吾儕深得雲遊

樂載月乘風笑到窩

小院方方地不寬多栽修竹與幽蘭同君分得烟霞

氣自覺吾廬夏亦寒

詩

卷二

完

夢覺觀魚少會心心安城市卽山林林中補竹常留
客客去游擾抱膝吟

紫雲窩四時吟

春日住吟窩尋芳樂趣多紛華無所戀回首入烟蘿

夏日住吟窩呼童整笠簑披襟隨意酌雨後賞新荷

秋日住吟窩臨池好放鵝籬邊黃菊綻且飲且高歌

冬日住吟窩焚香養太和課餘無一事曝背夕陽坡

花朝日同耕雲律師暨黃葆眞鍊友賞花吟

鶴藏山下百畝田老人種菜百花先一春無事自開

阡手携雲鋤喜欲顛栽得花樹幾萬千花開花落不
計年抱甕澆花花色鮮終日高歌坐花前饑時便吞
花上烟渴時但飲花下泉若逢插花授眞詮日夕何
妨伴花眠挿花劉眞人在麗春院煉道呼童掃徑設花筵花裏烹
茶結道緣四面花香盡廻旋生機都在百花邊早知
拈花亦解禪莫教花花世界牽君不見鹿門孟浩然
冷吟尋梅雪滿肩又不見陶公愛菊周愛蓮而今惟
師能繼賢簪花歸去譜七絃果是花中一洞仙

秋夜同沈天然宿柳環中別墅留贈

詩

卷二

三

八卦爐中貯性天蟠桃一熟幾千年夜來飛上銀河
岸兩足踏翻無底船

元門無鎖白雲封人在終南第幾重不性呼童掃落
葉月明如水逗霜鐘

奉和

韓祖 續 大 原韻

龍吟虎嘯震蓬廬欲學仙才總不如我是天生無用
漢虔心要讀上清書

送郭伯崇赴山東兼步原韻

高風蓮幕冠南州一曲驪歌兩地愁篋裏新詩消歲

月壺中濁酒度春秋無緣再向蓬萊隱山東有蓬萊閣有約

先從洙泗遊莫怪樹雲遮太密神交意味總相投

選勝尋芳樂若何年來泰岱閱人多詩成容我蕪箋

續句好憑君鐵筆摩公善鑄章極目觀山添遠色平心聽

水自無波公餘料得清如許月下壺觴醉後歌

吊吳柳堂侍御兼步絕命詞原韵

匆匆揖別柳陰中談笑由來矢朴忠公奉詔過陝同鄉祖饒灞橋

公言論率真不染仕宦習氣洵古君子也一點丹忱凝小刹公畫節三義廟幾番

碧血泣深宮常留直節桑梓重說到高風氣味同公

詩

卷二

三

祖吳鳴鳳早年貢士與予家曾締姻好欲輓英靈何處是蘭陵西畔

惠陵東公祖瑩在吾蘭袖川門外柳家營

又

重疊 恩綸出禁中不教猷猷誤精忠公以抗疏罷職旋蒙特

復旨起凌雲筆重金華殿公任吏部時文名大噪捧日心依鐵柱

宮公家隣旌陽許真君鐵柱宮一紙綠章爭國是千秋青史少人

同馬伸橋上團圞月照澈英魂四正東

蓮花池池近黃河不過百步南北皆羣山羅列左簡相督陝時修涼亭水閣曲徑廻廊岸上新植桃柳無數更名小西湖

廊岸上新植桃柳無數更名小西湖

廿載光陰憶舊遊
虹橋露榭未全修
而今又到流觴處
無數帆飛古渡頭

山光遙接水光清
不數鄱陽與洞庭
轉瞬滄桑多變劫

池內台榭乾隆年間疊遭兵燹
花中歌舞醉中聽
六月中池蓮盛開遊人乘舟彈

絲品竹以自娛

樓台倒影水平鋪
柳綠桃紅幾萬株
月到風來人盡

醉逍遙眞箇勝仙乎
時有友人蘭少堂蔣麗堂携榼同遊

採得鮮荷袖惹香
捕魚人在水中央
舟行鷺立鷗眠

處一派蛙聲送夕陽
蓮塘蘆港之中水禽無數而蛙喧更甚

詩

卷二

閒居得成

三

幽栖城市勝山居
古木沉沉綠影餘
勘得人情全是幻
修成天爵總非虛
揮毫潑墨題新畫
抱甕分泉灌嫩蔬
若問終朝何所樂
爲此善事讀些書

而今半百欠知微
四十年來事事非
兩袖清風乘鶴去
一肩香雪載花歸
漫言破壁牽蘿補
且喜疏籬借樹圍
自解閒心難媚俗
潛藏日掩小園扉

黃鶴樓諸勝

重重疊疊路廻環
氣壓龜蛇兩面山

樓在江頭龜蛇二川左右盤旋

費老回翁都不在令人想像白雲間

每向江頭欲問津烟波淼淼望無垠興來不敢多題

句恐惹詩人笑道人

覽盡晴川日未曛

樓遙對晴川閣

江城如畫此中分停杯偶

向樓頭立一縷香烟補破雲

爲尋棗核到仙磯

樓傍有仙棗亭黃鶴磯

慕道人多悟道稀指

點江村殘照裏漁翁幾箇晒蓑衣

別起疏櫺面面開一輪明月湧層台

謂湧月台

同儕若欲

凌風去要待仙人鶴復來

詩

卷二

三

臨江吞漢入雲端果是南來一壯觀勘得浮塵全似

夢不堪大笑倚闌干

玲瓏巧妙奪天工萬丈丹梯接碧空漫道今人多擱

筆

有太白調筆亭才華誰及謫仙翁

爲聽玉笛得登樓似是辛氏舊酒薄暮凭高閒眺

望風帆烟樹一天秋

朝坂余坡臣貢士同劉杏村秀才過訪

未叙寒温倒屣迎一廬風雨動歡情邀君共入香山

社不訂詩盟訂酒盟

何處疎鐘烟外敲空林秋氣靜蓬茅清談無限淹留
意指點斜陽挂樹梢

贈部厚甫明府

日讀青囊不慕榮胸如秋水一般清甘棠頗洽羣黎
望到處兒童竹馬迎

贈池陽趙晉卿

夜靜焚香告偷閒學睡僧

日蓮希夷法

古琴權作枕病鶴

久爲朋園苑時尋藥劍溪日探藤性好道善製名賤虛靈渾
不染雅抱玉壺水

詩

卷二

三

贈渭北顧翰臣

把臂歡無極相逢亦夙緣幽懷秦地月別緒渭陽天

劇飲成知己聯吟可忘年

喜讀丹經子書又寄情詩酒

胸襟超時

輩不數虎頭賢

金陵酒樓題壁

一醉笑顏紅天闊雲空顛顛倒倒過江東捉得清風
藏袖裏拾來明月挂腰中元關路自通

題漢陽余松筠達摩像

者箇和尚着實不錯面壁九年未曾托鉢杖頭一隻

草鞋擔盡無邊風月抵死不回身默向蒲團坐一箇
光頭兩片赤脚等他西歸將壁打破

望嶽樓晚眺

調寄浪淘沙

斜日傍層巒倦鳥知還笛聲飛過綠楊灣欲上高樓
沽一醉無事相關

白眼看青山四面廻環偶逢明月便開顏一枕黃梁
醒也未眞箇清閑

述懷

久住青門隨所安蝸廬睡到日三竿看穿世事胸襟

詩

卷二

三

澗歷盡蓬瀛眼界寬退後纔經人冷暖病中每辨藥
溫寒年來酷愛青琴古不遇知音不肯彈

春日偶成

東風吹水綠差差山色空濛雨亦奇但使主人能醉
客醉然直到太平時

張栻

蘇軾

李白

王中

秋日卽事

一樽聊爲晚涼開汾水秋水陋漢才世事茫茫難自
料不勝清怨却飛來

程灝

王琪

韋應物

錢起

退居終南別墅

冷暖年來只自知
不知春去已多時
可憐此地無車馬
積雨空林烟火遲

林洪

葉李

朱熹

王維

述懷

緩尋芳草得歸遲
烏鵲巢寒月一枝
世事無端何足計
回頭不似在山時

王安石

王中

程灝

林洪

詩

卷二

五

旅夜偶感

夜深搔首嘆飛蓬
不是愁中卽病中
幸有微吟可相狎
清和冷月到簾櫳

杜甫

楊簡

林逋

趙嘏

遊楚思歸

園收芋栗未全貧
何用浮名絆此身
自是不歸歸便得
野花啼鳥一般春

杜甫

前人

崔塗

陳搏

待月樓題壁

誰家吹笛畫樓中掃石焚香禮碧空縱酒放歌聊自
樂四時佳興與人同

趙嘏

戎昱

白居易

程明道

和前

欲收佳景此樓中錦繡笙簫在半空白日放歌須縱
酒凭闌清興與誰同

曾鞏

陸游

杜甫

鄭俠

華山聚仙台

風捲飛花自入帷紅泉翠壁薜蘿垂干戈滿地能高

詩

卷二

三七

臥似我清閑更有誰

蘇軾

錢起

李咸用

邵康節

贈采石磯太白樓徐藕舫道友

洗竹澆花興有餘神仙最愛是樓居清風明月無人
管笑捲疎簾看道書

顧況

呂純陽

王荆公

張三丰

張午霞孝廉招飲均州滄浪亭

想見掀髯鶴正孤竹溪茅舍夜相呼今朝共坐江亭
上更號烟波小釣徒

蘇東坡

呂純陽

陸潛虛

張三丰

贈瞿靜菴司馬

歲月無涯酒半壺
落花滿地步于于
乾坤世事皆如寄
疎散人間一丈夫

呂純陽

何仙姑

張三丰

鍾雲房

宿華山聚仙台兼贈余復初鍊師

結茅蒼靄裏
世念已全休
玉井清如洗
金天冷似秋
風雷身外轉
日月掌中收
獨立三峰上
洪厓作伴遊

遊曹靄臣廣文花園

詩

卷二

三六

家住梨雲萬樹中
歸來四面咏香風
疎花老木安排好
幽水平岡點綴工
落落雄才堪繡虎
區區小技總雕虫
微茫烟雨渾難辨
山色泉聲鏡裏同

泉樓歷任學政題咏甚多

謝喜雨亭都護餽仙人掌

浮生悟澈窮通理
盡在仙人掌握中
風動柳營春試馬
據鞍不減伏波風

輓祥恭菴鎮軍

花木叢深處
挑燈話最長
英風超韋叡
古誼重王陽

天賜祁連塚人瞻雲翰章
飲飛軍五百遺澤說甘棠
公曾統領西安
入旂步軍

贈華山黃子陽鍊友兼步長安懷古原韻

翠雲深處有吾儔
綴玉聯珠不計秋
混俗須如偷酒
畢藏眞勝似揮花
劉烟迷霧合丹邱
去月小山高赤壁
遊艸縣楚悟澈洞元清
靜理肯同老朽說源流

除夕雜占

平生自愧負聰明
反被聰明悞一生
我本逃名甘守拙
紅塵一任日營營

詩

卷二

三九

瞬息年華又轉頭
茫茫身世等浮鷗
靜中不禁啞然笑
忙煞人間冷應酬

五涼悵望欲沾巾
撲面東風逐暫新
打破硯水呵凍筆
安排紅紙寫宜春

玉關塵積喜開封
韻二怕讀得句先撞分歲鐘
豈獨難償書畫累
醫人亦是作人慵

垂簾兀坐歲將更
爛醉欣聽爆竹聲
話舊不談天下事
先憂後樂總關情

萬瓦新霜兩鬢絲
于今養素已嫌遲
呼僮暫弛閒中

課酒泛屠蘇爲祭詩

贈紫栢山崑峯柴鍊師

澗壑蒼茫隔烟樹久住留候辟穀處尋幽隨意過溪
橋白雲占盡青山路

擬孟襄陽過故人莊

策杖過溪橋直入雲深處茅屋兩三家垂楊百餘樹
白地種桑麻青山靄烟霧田家酒味濃閑話斜陽暮

武關

絕地凌霄漢重關氣勢雄江山爭險要天地此牢籠

詩

卷二

四

雷動輕車過蛇蟠曲徑通我來捫石磴身在白雲中

三關口題壁

山勢鬱千盤雄圖極壯觀懸崖驚地險飛鳥出籠難
夾道奇峯聳長天一綫看驅車穿石窟落日大風寒

遊菩提寺

鳥路蟠蒼翠溪橋日未沉貪看流水好不覺入雲深
一犬吠花逕羣鴉噪樹林疎風松際響如聽五絃琴

大觀亭

小憩修巖下蕭然一草亭林深猿盜菓松老鶴梳翎

雲氣運溪白嵐光入座青採樵何處唱高韻滿蒼冥
曇雲寺

古寺依寒谷蒼茫水石間鳥隨黃葉下僧與白雲閒
蘿月穿窗入仙人採藥還何當結茅屋高卧對秋山

閒居

閒居頗自適身與俗緣輕終日但孤坐幽禽時一鳴
書聲聞別院花氣散新晴偃仰東軒下蕭然夢亦清
課姪讀書

莫道鷄窗下無人鑿苦辛從來天下士都是此中人

詩

卷二

空

學海探無底書田味自眞男兒須努力休負歲華新

秋夜

衰柳動蕭森虛堂澹夕陰蟲聲雙杵外鄉思五更深
涼月白於水清風吹我襟數聲寒雁叫落葉滿疎林

小立

小立空山下寒烟生翠微夕陽人對語落葉鳥爭飛
雙履雲中下一僧林外歸微茫村路仄明月照柴扉

隆中間居口占

山鳥飛且鳴山花閒更落隱隱白雲中樵歌互相答

灞上柳

灞上柳如絲多情管別離年年人送客折盡路旁枝
苦雨

數日牢騷苦不禁西風颯颯雨淋淋客愁好似前溪
水一夜新添幾尺深

遊紫柏山

鳥道白雲邊攀蘿入九天飛身千仞上極目萬峯巔
呼吸通元氣蒼茫接塞烟一九紅日近滾滾在胸前

秋花歌

詩

卷二

四

君不見見滿城桃李開春風年年爛漫枝頭紅一朝零
落隨風散芳菲過眼都成空卓哉秋花如義士老圃
凌霜有真意千秋相與共榮衰不隨羣卉委平地菊
有華兮人有友爲問人情如花否古人結交有終始
誓與同生亦同死今人結交重勢利勢利相傾輒棄
置我愛秋花不忍折數枝芬芳留晚節安得同心若
此花榮衰與共兮無相絕

寄書與韓虛舟先生索畫

虛舟先生稱妙手胸中邱壑無不有興來得意飛霜

毫萬象森森齊動搖先生畫山古莫此好風拂拂生
十指頃刻移來泰華峯滿堂疊巘嶙峋起先生畫水
鋪冰絹一筆五丈長痕起疑是黃河天上來洶洶四
壁生波濤其餘衆技皆殊絕應手點綴春光洩有時
盤礴解衣裳紛紛花鳥爭羅列回憶我初來長安先
生爲我寫名箋尺幅中含萬里勢蒼茫雲樹相鈎連
卧遊正在興濃處忽被愚公移得去至今高堂素壁
間雲飛霧散徒蕭然先生在羣山裡千巖萬壑歸
腕底匡廬面目常寫眞使我夙夜空仰止我有素絹

詩

卷二

望

二文長寄興秋風雁數行先生潑墨成天章搖筆定
使風雲忙嗚呼何時巫山十二齊飛來使我見此心
顏開

青門載花口占

拾紫尋紅雨似麻麻鞋踏破隴頭霞逢人自詡強人
處兩袖清風一束花

又

戴笠簪花勝釣徒提籃一步一嬉娛兒童不識仙家
樂聚向街頭笑老夫

春日賞芍藥

錯落瓊卮位置難錦標奪得兩相歡
虛盈春向盤中採勝負人從壁上觀
薄醉愛聞花氣解微涼不獨酒杯寬
藏花好倩占花者背手無言一笑看

棗柳

一從送別惜分飛憔悴含愁靜掩扉
自過三秋眠不起最難留住是斜暉

過九松山和壁間原韻

忽見濃雲作浪堆斷虹驚電繞層台
四圍雨氣連天暗一片風聲捲地來
平野綠抽生意滿遠山青列畫圖開
凌晨試向郊原步已有蛙鳴出草萊

詩

卷一

四

七夕

小別經旬隔繡幃曝衣樓上畫簾垂
無情應恨填河鵲只爲天孫管別離

題王舜臣太守喜雨催耕圖

東坡昔作扶風守雨麥岐山年大有一
兩三日溝澮盈婦子嬉嬉力南畝朝來
舉酒樂且歌喜雨亭成垂不朽鳳翔大
守才且賢愛民如子民所天政成化洽

歲則足春膏霖霖敷平原教民如子民自逸勸農風
駕行桑田歸來繪圖志所喜喜氣勃勃秋毫顛我聞
古者有喜則名物以示所樂無忘旃周公得禾名其
篇漢武得鼎名其年如公所喜乃在天豈第上拍髯
蘇肩我來策杖長安道邂逅相逢便傾倒稚子能言
長吏清居人自樂田園好麥浪青青宿雨晴秧針如
毯織初成服田力穡農家事不待催耕民亦耕

春日卽景 迴文

林園醉月惜華春得得行來著屐輕陰覆碧桃墻掠

詩

卷二

五

燕浪生青柳巷鳴鶯深雲白處迷花艷麗杏紅時映
日晴森樹鎖烟空繞翠音流石上岸霞明

同友人奕碁偶感

殘碁未了任人收成敗居然不自由漫道紛爭無結
局旣分皂白速回頭

冬日雜感

自幸安貧樂不支簞瓢疏水堪充饑人情每嘆輕於
紙世局原來幻似碁草木凋零山露骨風霜凜冽水
生皮諸君未得千金秘反說神醫不自醫

處世先須學與鷓鴣，朔風飄冷入書帷。
中山釀酒該輸我，內閣燃藜任屬誰。
薄祿皆由天付與，高賢亦是自修爲。
偶逢雪夜乘清興，欲駕扁舟訪戴逵。
入抱空囊強自支，聰明到底不如癡。
馮公彈鋏徒遭謗，伍子吹簫竟惹嗤。
獨酌漫斟前日酒，閒居欲改去年詩。
飛鵬亦有冲天志，豈可人無得意時。

一氣呵成苦費思，何妨信手笑燃髭。
燈前喜閱搜神記，酒後狂吟罵鬼詩。
傲骨峻峻難混俗，雄心落落豈存私。
而今若使嚴陵在，共向高台理釣絲。

詩

卷二

四六

藍田途次渠水阻滯

涼風吹落葉紛紛，日暮寒鴉遶樹喧。
頭上催詩雲暗淡，身邊送影月黃昏。
停驂不信前無路，聞犬方知近有村。
借問欲投何處宿，髯翁一笑啟柴門。

到處游優便是家，誰關桑梓隔蒹葭。
興來典劍因沽酒，客散移燈自煮茶。
性爲耽吟忘歲月，身偏好懶傲烟霞。
閒心待到陽春候，看遍長安市上花。

紫柏山留侯祠感懷八截

籌策何人及此公，高皇巨眼識英雄。
纔知四百年來

業盡在先師一借中

樓台曲折樹參差日讀陰符懶采芝不是圮橋能進履緣何竟作帝王師

學道非難忍最難仙風凜凜透人寒平生功業驚天地不爲與劉爲報韓

千金結客爲椎秦氣壯山河動鬼神能使祖龍魂魄奪荆軻畢竟是愚人

誰把斜陽抹一山山圍紫柏赤松間遊人頓足臨仙境都歎無緣伴了還

謂本祠監院了還柴道人

詩

卷二

四

負劍吹簫不計年英雄退步卽神仙羨君有福伴仙侶遯世清如出水蓮

殿閣高懸望眼明深欽前輩苦經營

謂前方丈東鍾任信陽也

清磬音俱寂只有穿厨泉亂鳴

奇花異草滿林香儘把青山作道場欲上螺峰無路入半空烟霧鎖蒼茫

說戒偶占

吟壇未了法壇開難得壇壇雨洗台

說戒三壇壇前壇後俱得微雨

侍講生徒如鶴立聞經冠蓋似雲來齋餘鉢待龍先

淨課罷衣煩鶴早裁自愧人天膺重秩觀光爲拔不
凡才

茅庵落成集仙句以誌之

漫道神仙愛浪遊

純陽呂祖句

茅庵靜坐勝高楼

玉蟾白祖句

乾坤世事皆如寄

三丰張祖句

方丈蕭然一院秋

長春邱祖句

輓受業賀子仙精醫善畫因疾而逝

燒丹採藥仿丹青水秀山明寫性靈漫道人生俱在
夢予何未覺子先醒

歲旱裴泉唐廉訪進表禱雨

詩

卷一

四八

虞申哀表格天衢一雨能教萬物蘇

甘霖普降以濟時艱

烹得

花中春富貴

時牡丹盛開遂調羹以奉

如陪伯虎老名儒

送問松恭將軍赴蜀之任

高談濶論若無人濟濟英才孰與倫祇向芙蓉城裏
醉一時題遍錦江春

紫雲窩

在八仙巷

千株松檜萬株花勝抵淮南探故家人道是仙君莫
信從來最慣住烟霞

蓬萊第一島中人且向終南暫密身滿院飛花香欲

送臨風默運定中神

狂歌無調笛無腔四面芭蕉綠上窗日受烟扉松逕
冷甘心願效鹿門龐

人云難得學糊塗我學糊塗氣轉粗覓著糊塗真意
味糊塗事讓呂端圖

蝸廬矮矮小如舟撲面嵐光翠欲流不是人能宏大
道誰知燕相海蟾劉

欲買青山乏俸錢茅檐借築翠微巔緣何箇裏多奇

景一眼難分五色天

窗嵌五樣
玻璃故云

詩

卷二

兜

草舍三間樹四圍冥心拂塵立斜暉狂童濃睡予微
醉鹿不啣花鶴懶飛

水有源兮木有根重陽法嗣純陽孫由他獻菓猿來
往不惹趨炎客到門

年來迂闊盡成痴暫向鷓鴣借一枝不管古今興廢
事偷閒喜讀此壇詩

時聽兩部鼓吹聲卧看青門半角城一面栽花三面
樹無人不道自天成

和璧侯黎學政秋日賞菊

萬里羅浮一偉人，人傳星使冠西秦。爲君泛酒追陶令，對我餐英說楚臣。文采風流全脫俗，秋容皎潔懶爭春。超然不合羣芳伍，瀟灑襟懷孰與倫。

冬日山居

勝在天臺鍊大丹，雞鳴犬吠靜而安。休云送炭人心熱，自覺吹葭節氣寒。要得清閒真不易，惟求淡泊總非難。時流若問交遊者，退院僧同解組官。

誰識吾家雲漢圖，桃花千樹勝元都。敲冰預備添茶鼎，伐木常留需藥鑪。喜客聯詩如償債，憎人索畫似

詩

卷二

五

催租金丹一粒毫無得，愧作迷津小丈夫。

蒙頭高卧白雲隈，鹿守巖扉鶴守梅。率性書窮千萬卷，陶情酒飲兩三杯。堦留積雪憑風掃，竈伏鮮芋煨火煨。功若漸多過若少，定應超脫免輪迴。

敲窗紅葉亂紛紛，榻角泉聲屋角雲。世上炎涼難得解，碁中勝負易然分。證心當別忠和佞，緘口何嚴素與葷。但願晨昏無妄念，焚香默祝呂真君。

和仲華榮將軍重九賞菊

都門落落大方家，不愛簪纓只愛花。袖舞清風排紫

豔盤承甘露釀黃華會將豪放推陶令肯把英奇讓
孟嘉一自名輝工部後啣恩黎庶樂無涯

竹晨張方伯臘日祈雪

自從酷暑值嚴冬早魃逞雄駕火龍銀河水可消時

癘玉井蓮能解歲凶

公委員赴華嶽取水

表就揮毫追九旭符

成仗劍仿三丰

在八仙菴設壇進表

若使雲霓人不望除非滕

六及時逢

連番苦禱費熬煎

彌年歲旱公屢乞祈雨澤以恤民艱

祇說心誠可格

天若待南臺銀虎嘯

潮陽誌韓文公在南臺祈雪

休教北海玉龍

詩

卷二

五

眠羨君德大清如水愧衲功微昧似烟却喜郊原膏

澤遍家家斗酒醉殘年

贈翠玉妓者

寫畫俱佳

人誇才貌世間無我嘆緣何墮孽途寄語錢塘蘇小

小回頭及早學珍奴

還山吟

時在錫水洞養靜

古木森森密不分穿林鳥語送斜曛年來怕惹紅塵

事歸去深山卧白雲

山連疊水水連山曲曲灣灣灣復灣水抱羣山山抱

水如居摩詰畫中間
苔深虎爪印新痕
松雪迷離擁洞門
萬籟無聲人寂
寂惟餘清氣罩乾坤
翠氣迎人眼界遙
羣山羅列萬山朝
尋真不識藏真
處隔著迴溪問采樵
地僻人稀樹影繁
時聽凍鶴與寒猿
黃庭讀罷毫無
事坐向風前聽鳥言
終南別墅好爲家
懶向青門學種瓜
惟有醫人心切
切提籃採遍滿山花

詩

卷二

五

僕本山中採藥人
人何錯喚是劉晨
深知詩畫難爲
匹詎料王氏結近鄰

路轉峰迴數百層
看雲久坐欲飛騰
天然一幅真圖
畫惹得詩人說右丞

穿林躡澗過山坡
就是吾人自在窩
世路浮塵無半
點盈門祇有白雲多

青山隱隱水迢迢
水秀山明畫一條
若是元暉摩詰
在天然之處恐難描

遙看殘雪擁藍關
日盼仙人去復還
自有清音聽不

盡幾層水繞幾層山

一個人居萬樹中蒼蒼不辨路西東爲言清福難消
受日盡倫常夜用功

昨讀王維畫與詩雲遊惟到輞川遲其中眞樂無人
識自有清風明月知

通眞

觀名通眞

懶繪輞川圖日飲中山酒半壺不與淮南

王一脉緣何到此學清夫

卽韓仙法號也

一入深山恐不深千尋斷壁怕人尋從今放浪形骸
外撇却詩囊打碎琴

詩

卷二

垂

萬壑千巖翠欲流藤蘿深處綠陰稠詩成拍手仰天
笑醉後狂題石壁頭

錫水洞養靜

同誰採藥到天台一笛仙音甚妙哉只要居心存正
氣何妨換骨脫凡胎逡巡酒自壺中得頃刻花從洞
裏開攜取瓢囊歸白社青門不復惹人來

祝 皇太后十月萬壽

萬國衣冠拜冕旒梅花香裏甲初週吾儕願學東方
朔欲獻冰桃沒處偷

流風迴雪柳宗元乞巧之文錯彩鏤金謝安
石示賓之句情發既摯語本不刊予友

小蟾鍊師雍容大雅侗儻不羣竒情契夫葛
莊妙悟資乎雲水吸露餐霞效滴仙之醉月
題襟解帶引賤子為忘年登山而常携錦囊

三九

結社而愛薰斑管昂頭天外落水面盡族
詞章擲筆空中洒雲角皆成翰墨清沁心
脾香生口吻爰留芻語以誌葵傾

光緒丙戌仲冬既望

渭川翰臣顧登文拜讀



繞觀名語景覽諸詩字，雖心言入目，桐花寨裡
驚披海岳之文，又景樓頭評讀山濤之傳，感
來墨汁三升，卷雲掣電，買得青山一片，酌
月啖霞，此日薰香摘豔，學推北字之才，他
手掃雪呵風，定臥東山之榻。

友弟黃崇禮拜讀



其陽關之笛耶，其瀟湘之
瑟耶，其巫峽之猿耶，其
縹緲之鶴耶，每讀式，遍不
禁有淒周冷月之思。

種菜道人評



在品多時予見從光大父讚書偶命賦落筆詘
善謂凡曰此字姿質穎悟當早學詘凡見將
竊之自喜遂肆力於唐泉諸大家名止沈潛
玩索大有心自得時邀朋結社互相切磋每美詩選
釋一韻名注之以富麗華賢見長至風吳柳堂集
陶白贈云飲酒不覺及賦詠頗能工其風雅亦可想

一

見矣殆後思戰文場以不日志于有司而决然舍去邀
遊于孫南華鬱出晉陰詩字面飲酒陶情醉埜鶴力
逸侶邀明月為芳鄰穿窬于寂寞之廓朗出境又廿餘
年矣辛巳夏予入都赴選滿出長安適凡自楚豫雲
遊旋秦遂環晤于青坊紫雲僻寓正冊出岫浮雲散
而覆聚于瓦倫也曩有求彙常快愉亦不撥世習出

雲水集詩苑不讀世餘平冲澹純任自然若大變
 其曩時出體乃歎境靜心清出語自超狀絕俗較當
 年更進此境也子以送其迫慢行色匆々爰綴此語
 以出雲泥

光緒辛巳仲夏胞弟翰青跋



二

[Faint vertical text, likely bleed-through from the reverse side of the page.]

